

Nughedu Santa Itòria in su 1839

NUGHEDU (parte de Barigadu), bidda de sa Sardigna in sa provìntzia de Busache, in mesu de su mandamentu de Neuneli de sa prefetura de Aristanis, e faghet zai parte de su regnu de Arborea.

Su territòriu est meda, prus de su dòpiu de sas pessones chi bivent in sa bidda. Su terrinu est montagninu e amantadu de su padente.

Sos animales chi si podent cassare funt medas, su prus sirbones e dàinos e funt medas sas ratzas de puzones chi si podent bìere.

Sos cassadores andant a orrugos mannos e cassant semper carchi cosa; sa cassa in Nughedu e in àteras biddas puru est bivida comente una festa, si mutint sos amigos fintzas de àteras biddas, finidas sas batutas, si cantat e si ballat.

Sas funtanas funt medas ma sa prus istimada pro lughentesa e calidade de abba est cussa de s'Aranzeddu.

Su crima est fritu in s'ieru, fintzas in sa bidda pro comente est posta e ch'imbatent sos bentos de trambutana. Proet meda e capitat a bortas chi proat fintzas paritzas dies una in fatu e s'àtera.

Non mancat sa froca chi amantat su monte e sa bidda pro paritzas dies; sa nèpida chi est de passazu non faet male.

In su 1839 funt in Nughedu òmines mascos 145, fèminas 120, pitzocheddos mascos 70, fèminas 90, in totale 435 ànimas partzidas in 100 famìglias. A iscola andant mesches deghe pitzocheddos.

In unu annu naschint de mèdia 16 pitzocheddos, 10 mortos, 2 isposonzos. Custa bidda diat èssere istada prus manna si in su 1829, zente meda non fuat morta pro curpa de su vaiuolo.

Sa vida mèdia de un'òmine est de chimbanta annos.

Sos nughedesos in su traballu funt partzidos gosi: 100 massajos, 40 pastores, 10 chi faent àteros mestieris e pois che funt sos chi ant istudiadu "sos literados" chi abarrant totu sa die a non fàere nudda; solu unu notaju e unu infermieri si dant

de ite fàere. Sas fèminas traballant sa lana e su linu, zai in onzi domo ch'est su telarzu.

Sas famìglias meres sunt 82.

In su territòriu Nughedesu funt medas sos terrinos ue faet a semenare laore e àteros semenes.

In sas binzas si faet àniga bona de medas calidades, su binu biancu o ruju benit bufadu in famìglia o in sos cumbidos.

Funt medas sos logos in ue b'at nughe chi aiat fintzas dadu su nùmene a sa bidida, b'at castanzas, piras e crèssia.

Su bestiàmene si podet partzire gosi: 70 zuos, 60 bacas, 20 caddos, 40 procos; in su comunale 140 bacas, 25 bitellos, 130 crabas, 2000 berbeghes, 500 procos.

Su casu de Nughedu est bonu de a beru e connotu, benint sos butegheris de Ilartzi e de Aristanis a ddu comporare.

Nughedu est a intro de sa diòtzesi de su Barigadu, o de S. Iusta, oe a s'arcivescovadu de Aristanis, sa zente est atendida dae unu vicàriu chi non s'at mai a mòvere fintzas a sa morte, est solu sena perunu azudu.

Sa crèssia prus manna est istada fraigada in su 1634. Est dedicada a Deus in onore de santu Gavinu màrtire turritanu, si festat su 25 de santugaine. Su patronu de sa crèssia sua est Santu Jacu Apostulu su mazore, si festat su 25 de trìulas e benit zente meda istranza.

Sas crèssias prus piticas funt duas: S. Rughe e s'àtera in su sartu pro onore de Santu Asili Magnu, a un'ora de caminu de sa bidida.

Unu piticu oratòriu dedicadu a sas ànimas fuat in sa bidida ma como chi est como est disorrutu.

No est istadu fatu unu campu santu e sos mortos benint interrados a segus de sa crèssia parrochiale.

In sa crèssia de Santu Asili sa festa at a comintzare su 24 de austu e sight fintzas a sa prima die de cabudanni, abbarrant a crocare in ie, in sos muristenes dughentas pessones devotas pro sas noinas. In sas dies de su 30, 31 austu e

prima die de cabudanni si faet una fiera e su nùmeru de sas pessones chi arribant o pro prumissa o pro onore a su Santu, imbatet fintzas a otomila.

Semper sa prima die de cabudanni si che pigat su Santu in crufessone torra a sa crèsia parrochiale.

Articulu liberamente pigau dae su libru "DIZIONARIO GEOGRAFICO STORICO - STATISTICO - COMMERCIALE DEGLI STATI DI S. M. IL RE DI SARDEGNA". COMPILATO A CURA DEL PROFESSORE GOFFREDO CASALIS DOTTORE DI BELLE LETTERE, PUBBLICATO NEL 1839.